




GRADE VI
SAMAHANG PANREHIYON AT PANDAIGDIG
NA KASAPI NG PILIPINAS



ALAMIN MO

Suriin mo ang larawan.



Ano ang nakikita mo sa larawan?

Ano ang gustong ipahayag ng larawan?

Bakit ipinakita sa larawan ang pagkakapit-kamay ng bawat isa sa larawan?

Sa modyul na ito matutuhan mo ang kahalagahan ng pagsapi ng Pilipinas sa mga Samahang Panrehiyon at Pandaigdig.





PAGBALIK-ARALAN MO

Tingnan natin kung natatandaan mo pa ang ating nakaraang aralin tungkol sa pakikipag-ugnayan ng Pilipinas sa ibang bansa sa iba't-ibang panahon.


Isulat kung ang mga pangyayari ay naganap sa panahon ng Unang Pilipino, Panahon ng Espanyol, Panahon ng Amerikano o Panahon ng Ikatlong Republika. Isulat sa unahan ng bawat bilang ang UP para sa Unang Pilipino, E para sa Espanyol, A para Amerikano, at IR para sa Ikatlong Republika.

- _____ 1. Nakipagpalitan ng kalakal ang mga Pilipino sa mga Tsino
- _____ 2. Ang pakikipag-ugnayang panlabas ay pinamamahalaan ng Bureau of Insular Affairs.
- _____ 3. Naging kasapi tayo ng United Nations Organization (UNO).
- _____ 4. Ang gobernador-heneral ang nakikipagsundo sa mga bansang silanganin.
- _____ 5. Ang ugnayang panlabas ay pinamamahalaan ng Kagawaran ng Ugnayang Panlabas.



PAG-ARALAN MO

Suriin mo ang mga logong ito.



Ito ang tatlong logo ng mga pangunahing samahang kinabibilangan ng Pilipinas UN, ASEAN at APEC.



Malalaman mo sa araling ito ang kabutihang naidulot sa bansa ng pagsapi sa mga samahang panrehiyon at pandaigdig.

1. Basahin mo ang sanaysay na ito:

Ang Samahan ng mga Bansa sa Timog Silangang Asya o Association of Southeast Asian Nations (ASEAN) ay isang samahang panrehiyon. May kanya-kanyang kultura at kasaysayan ang mga bansang Indonesia, Malaysia, Thailand, Singapore at Pilipinas at sila ay nagkabuklod-buklod upang itatag ang ASEAN, sa pamamagitan ng paglagda sa Deklarasyon ng ASEAN noong Agosto 8, 1967 sa Bangkok, Thailand. Naging matagumpay ito at nadagdagan ang mga kasaping bansa nito nang umanib ang Cambodia, Brunei, Vietnam, Myanmar at Laos. Binubuo ang ASEAN upang matamo ng mga bansang kasapi nito ang kaunlarang pangkabuhayan, panlipunan at pangkultura at pangalagaan ang kapayapaan sa rehiyon.

Ang mga tao sa estado ay nagsikap ng pamamaraan na mabuhay nang matiwasay sa kani-kanilang lugar at maiwasan ang digmaan kaya ang bansang Pilipinas ay hindi nag-atubili na lumagda sa KARTA ng UNO na may 51 bansang kaanib nito. Ang UNO ay itinatag at pinagtibay noong Oktubre 24, 1945.

Ang ASIA PACIFIC ECONOMIC COOPERATION (APEC) ay samahan ng mga bansang kahangga ng Dagat Pasipiko. Ang mga kasaping bansa sa Austarlia, Brunei Darussalam, Canada, Chile, People's Republic of China, Hongkong, Indonesia, Japan, Republic of Korea, Malaysia, Mexico, New Zealand, Papa New Guinea, Pilipinas, Singapore, Chinese, Taipei, Thailand at ang Estados Unidos ng Amerika.




Sa pakikipag-ugnayan sa ibang bansa, isinasaalang-alang ng Pilipinas ang pambansang soberanya, karangalan at teritoryo, pambansang interes at karapatan sa sariling paninindigan. Batay ito sa patakarang pagsasarili sa mga gawaing panlabas ng bansa.

Ang pamamahala sa mga gawaing panlabas ng Pilipinas ay tungkulin ng Kagawaran ng Ugnayang Panlabas (DFA). May mga tauhan itong nakatalaga sa iba't ibang bansa na tinatawag na diplomat. Ang mga ito ang nangangalaga sa interes ng Pilipinas at kapakanan ng mga Pilipino sa bansang kinaroroonan nila.

Ang pakikipag-ugnayan ng ating bansa sa mga kasaping bansa ay mga layuning pulitika, ekonomiya, militar at kultura. Ito ang tinatawag na pag-aasahan ng mga bansa sa daigdig.



2. Pag-aralan mo ang tsart.

Samahang Kasapi ang Pilipinas	Kahalagahan sa Bansa
<p>1. ASEAN</p> 	<ul style="list-style-type: none">➤ Pagpapaluwag ng mga regulasyon sa malayang talakayan➤ Paglulunsad ng mga programa sa pananaliksik➤ Pagpapalitan ng mga estudyante alagad ng sining at mga pang-kulturang pangkat ng mga kasaping bansa➤ Pagkakaroon ng matatag at malapit na ugnayang pandiplomatiko at pang-ekonomiya.
<p>2. UNO</p> 	<ul style="list-style-type: none">➤ Pagkakaroon ng magandang edukasyon, kapayapaan, agham at teknolohiya, karapatang pantao at pagbibigay proteksyon sa kalikasan.➤ Pagbabawal ng pag-employo ng mga bata sa mga pagawaan.➤ Pagkakaroon ng sentro ng mga gawain upang matamo ang kaunlaran.
<p>3. APEC</p> 	<ul style="list-style-type: none">➤ Pagpapaunlad ng siyensya, teknolohiya, at industriya sa paraan ng palitan ng mga kaalaman at kasanayan ng mga kasapi nito.➤ Pagpapaunlad ng kalakaran, paglinang ng yamang tao, enerhiya, telekomunikasyon, transportasyon, turismo at pangisdaan.➤ Pagpapataas ng antas ng ekonomiya➤ Pagkakaroon ng isang matatag na palitan ng salapi o exchange rate at mababang inflation rate.➤ Pagpapataas ng antas ng kalidad ng edukasyon



Kailangan bang sumapi ang Pilipinas sa mga samahang panrehiyon at pandaigdig? Bakit?

Nakatutulong ba ang mga samahang panrehiyon at pandaigdig sa Pilipinas? Ipaliwanag mo ang iyong sagot.

Sa bawat samahang panrehiyon at pandaigdig ang Pilipinas ay nakikipagkaisa at nakikipagtulungan sa mga bansa sa daigdig. Hangad ng Pilipinas na mapasama tayo upang maiparating sa kinauukulan ang suliranin at isyu na kinasasangkutan ng bansa. Ang pinakamagandang halimbawa nito ay ang usapan tungkol sa mga Overseas Filipino Worker (OFW) at ang suliranin tungkol sa Spratlys.



PAGSANAYAN MO

Bibigyan ka ng mga katanungan upang malaman kung nauunawaan mo ang aralin mo ngayon. Handa ka na ba?

1. Ano ang pangunahing layunin ng ASEAN?
 - A. pag-unlad ng kabuhayan
 - B. paglutas ng suliranin ng bansa
 - C. pagtatanghal ng timpalak sa kagandahan
 - D. paglahok ng mga manlalaro sa ASEAN games
2. Ang Pilipinas ay kasapi ng panrehiyon at pandaigdig na samahan tulad ng
 - A. NSDB
 - B. NCEE
 - C. ASEAN
 - D. PAG-ASA
3. Mga bansa sa Timog-Silangang Asya ang bumubuo ng ASEAN. Alin ang hindi kasapi nito?
 - A. Hapon
 - B. Malaysia
 - C. Singapore
 - D. Indonesia





4. Ang ASEAN ay itinatag upang mapangalagaan ang kalagayan ng mga kasaping bansa sa anong larangan?
 - A. ideolohiya
 - B. teknolohiya
 - C. pangkabuhayan
 - D. pag-uugnayan

5. Ano ang sinisikap gawin ng mga Pilipino bilang kasapi ng ASEAN?
 - A. patibayin ang pagkakaibigan
 - B. patibayin ang pagsasamahan
 - C. patibayin ang pagiging magkalapit-bansa
 - D. patibayin ang pakikipag-ugnayan sa mga bansang kasapi nito



TANDAAN MO

- *Ang pagsapi ng Pilipinas sa mga samahang panrehiyon at pandaigdig ay mahalaga sa kaunlaran ng bansa.*

- *Nagkakaroon ng ugnayang pangkalakalan na makatutulong sa pagpapaunlad ng kabuhayan ng bansa.*



ISAPUSO MO

Ang pagsapi sa UNO, ASEAN at APEC ay naghahangad ng kapayapaan at kaunlaran. Dapat lamang na igalang natin ang mga kasaping bansa na tumutulong sa ating ekonomiya .




GAWIN MO

Pag-aralan mo ang puzzle.

Hanapin at bilugan ang pangalan ng mga bansang kasapi sa ASEAN.

L	A	O	S	P	A	C	D
V	I	B	R	U	N	E	I
I	N	D	U	M	E	S	Y
E	D	A	M	A	P	P	I
T	O	D	A	S	Q	I	D
N	N	N	L	I	Y	L	E
A	E	A	A	N	E	I	N
M	S	L	Y	G	T	P	D
I	I	I	S	A	A	I	O
R	A	A	I	P	N	N	N
S	L	H	A	O	A	A	V
E	L	T	A	R	A	S	V
M	Y	A	N	M	A	R	D



PAGTATAYA

Lagyan ng tsek (✓) ang kahulugan ng pagsapi ng Pilipinas sa ASEAN/UNO at (x) ang hindi.

- _____ 1. Nakatutulong na mapanatili ang kapayapaan.
- _____ 2. Nagkakaroon ng pakikipag-ugnayan sa mga bansang kasapi.
- _____ 3. Natutulungan ang Pilipinas sa kanyang mga suliranin.
- _____ 4. Nagiging palakaibigan sa ibang bansa.
- _____ 5. Nagkakaroon ng alitan ang mga bansa.



PAGPAPAYAMANG GAWAIN

Pumunta sa aklatan para makabasa ng Bagong World Almanac o ensayklopidyang magbibigay ng impormasyon tungkol sa mga bansang kasapi sa ASEAN. Buuin ang tsart.

Bansa	Bilang ng Populasyon	Relihiyon	Uri ng Pamahalaan	PRODUKTO
1. Malaysia				
2. Thailand				
3. Singapore				
4. Brunei				
5. Indonesia				



Maaari mo na ngayong simulan ang susunod na modyul.